

EFESIOS

Pabloou Efesopienag ěsap phã deepütarr

Chi phãtarr. Pabloou carta jayap phãjim aajem Roma phöbör ee cárcel deg simua: chamug Efesopienag deepütarr, Filipopienag deepütarr, Colosapienag deepütarr, maimua jöoi Filemonag deepütarr.

Biek äb ich Pabloou mag Efeso phöbör ee judionaanag Ęwandam iek jaau sierr aawai ichdëujã aiguim khun khaphu sjejim (Hch. 18:18-21). Mag num düi Ęwandam iek jawaag am aar mawi año thärjupjö ag phöbör ee Cristo iek jaau sierr aawai chará ichdëu thum am khaphu sjejim aajem (Hch. 19).

Chijã khun atheeta phãjĩ. Mag jaar provincia de Asia ee Efeso phöbörta chi pömaam ajim aajem. Mag phöbör pömaam aawai öor pöm sñi mercancia auna përunuapaita naajeejim anaabá. Ich ag phöbör eeta am ěwandam Diana anamug jëeujem dijã sjejim aajem (Hch. 19:27).

Mug cartaan Pabloou Efesopien thum chi ükha durrum khun atheeta phãjim aajem, nacha amachdëu ürwia deeum iglesiaag deebapãiwai thumaam khunag ürmamkhñir. Mag Efesoom iglesia een judionaan khabam khunta ürcha naajim aajem.

Khan jawaag ajĩ. Pabloou ürcha mug carta phãju khñirju wai sierran, jãga Cristoou judionaan amach meeun khabam khun düijã öor äbpaimejöö

apüijĩ a jawaag ajim (2:13-16). Ajapcharan maach m̄g Cristo iekta ükhawi i dēnkha n̄m kh̄n̄n̄n̄, deeum meu awiajã, thum meu ābpaimjōnaa dō ābam eem kh̄n̄njōta n̄m a jaaupāaig ajim; ajapcharan mag ābpaimkha n̄muata Cristo iglesiakha n̄m jawaag. Jāga mag n̄ a jawaag Pabloou m̄gta jaaujim:

- (1) Maach thum chi ükha n̄m kh̄n̄nta Cristo morkha n̄m anaabá; maagwai ich j̄rr maach Pörkha sim aajem (Cap. 4:15-16).
- (2) Maachin di ābpaim üu awaag pa khapaana th̄rrp th̄n̄m̄jōta n̄m an̄m; mam̄ mag dipá p̄m th̄n̄m̄ ee āb sim chi ajapcharam; ma, ich Cristo aajem, chi dihād j̄rram (Caps. 2:20-22, 4:4).
- (3) Mag Cristo morkha n̄m aiguin, üüi ich jaai appai oo s̄err̄m̄jōta n̄m aajem (Cap 5:22-32).

Salud

¹ M̄n̄n̄ Pabloou, Ēwandamau khōsi s̄err̄jō Jesucristooucha ich i jaaumkh̄ir j̄r autarr. Muata p̄rag m̄g ēsap phã deep̄i chir̄m, Efeso phöbör ee Ēwandam dēnkhan̄a Jesucristo iek ükha n̄m kh̄n̄n̄g.

² P̄ar kōit maach Aai Ēwandamag j̄eu chir̄ajem ichdēuta maach Pör Jesucristo d̄imua üu d̄ir̄r̄cha p̄ar eeg oowi p̄ar khōinaa phē wai naamkh̄ir.

Cristo dēnkha n̄m kh̄n̄n̄ d̄i Ēwandamau ajapha aajem

³ Muan maach Pör Jesucristo Aaita thō iekhaajem; ajapcharan Ēwandamma; irigpaita üu ajim a

chiraajem, chadcha maach d̄ai ajapha amkh̄ir Cristo p̄itarr paar. Mag maach Cristo d̄enkha naawaita Ēwandamau ūgtharmpeen d̄ai aajemj̄o maach d̄ai m̄aig eegarwej̄a ich Akhaar gaaimua ajaphata aajem.

⁴ Pari mag maach d̄ai ajapha sim chan s̄i eeu-pemj̄o kh̄irju auwi khaba, warr m̄aig j̄eb ompaaju nawe Jesucristo gaaimua ich Ēwandamau ya maach ich d̄enkha auju kh̄irju wai s̄ierr aawaita maagjem, ich dau na tag kulpj̄a chukhu s̄i ich atheepaita ichd̄eu kh̄osimj̄o w̄en̄rramkh̄ir. Mag warrgarwe ich garmua maach kh̄osi arr aawaita

⁵ Jesucristo gaaimua ya maach ich chaainkha aujuj̄a khaph̄u s̄iejim, ichd̄eu maach d̄ai am kh̄osi kh̄irju wai s̄ierrj̄o.

⁶ Mag gaaimuata chadcha ich mag Ēwandam ajaug ph̄ena i th̄o iekhaajem, mag ich ajaug s̄ierr̄am gaaimua ichd̄eu ich Iewaa daupii aajemta ūu maach athee p̄itarr aawai.

⁷ Maach pekau gaaimua Ēwandam d̄ai iekkh̄or p̄om narrta, s̄i khajapham d̄ebpaar phag n̄amj̄o Jesucristoouta maach daupigau ich bagau maach phag athaawai, ūu Ēwandamau maach khaibagj̄a chugpaawi warre maḡum kh̄ir okhoop̄ijim.

⁸ Pari magpaij̄a khaba, chadcha ichd̄eu maach kh̄osi chir̄um khap amkh̄ir, maachig ich kh̄irjugj̄a deewi ūu maḡumj̄a khaph̄u w̄en̄rr̄um.

⁹ Ajapcharan ĩchab warr ichd̄eupai ich th̄aar ee nem waumaju khaph̄u aajerrta maachig khaph̄u apijim.

¹⁰ Mag ich th̄aar eepai nem wauju kh̄irju wai s̄ierran, m̄aig atag chadcha ichd̄eu magju ed

paawaita ichdëu khĩirju simjöö aju. Mag edta ich Ëwandamau õor thum edjã ee nem thũnũmpa Cristoog thũsĩepũiju, am dũi jũrr ichdëuta khap amkhĩir.

¹¹ Magta agtha maach thaababa nũwe Ëwandamau ya maach ich dënkha wai sĩejim, Cristo dũi khapeerkha nũsiewai mag nawe ichdëu deeju jaau sĩerrjã ichdëu mag khĩirju wai sĩerrjõ chadcha jũamkhĩir; Ëwandamaun chadcha ichdëu oowai ajapha aju ayaam nemta wau sĩerrũm.

¹² Magta maach chi nacha Cristo iek ùkhatarr khũũnjã ich dënkha aujim, mag ichdëu maar ich dënkha autarr gaaimua pãar maarjõ i iek ùkha nũm khũũnaujã ich Ëwandam ajaug khitũmta thõ iekhamkhĩir.

¹³ Maguata pãraujã ìchab chadcha Ëwandam iek chaar mũg maach peerdũajem iek jaau nũm ùrwi ùu Cristo iek ùkhabaawai, Ëwandamau ag nawe ichdëu deeju jaautarrjõ pãragjã ìchab ich Akhaar deejim. Mag ich Akhaar deetarran, pãarjã chadcha ich dënkha wai sim khap amkhĩir ajim.

¹⁴ Mũũgwaiwejã ya Cristo gaaimua Ëwandamau maach ich dënkha wai siewai mũg atag ya ichdëu maach auju ed paawaijã warre ich aarcha maach phë auwi ich dũichata wai sĩsiju. Mag chadcha ichdëu maach ich aar phë auju khap amkhĩirta ich Akhaarjã mag maachig deejim. Mag ich garmua maach dũi magju a simũn mũũgwaiwe ich ajaug thõ iekhamkhĩrau.

Chi ùkha nũm khũũn kõit Pabloou Ëwandamag khĩirjug jëeujerr

15 Maguata, chadcha pārau pāachdēu maach Pör Jesús iek ükhatarrta agtha ogduba thāraucha ükhanaa thum Ĕwandam õorkha thunum khunjä daupii aajem khaphu chiraawai,

16 Ĕwandamag jēuwaijā pāar jāg num paar irig üu ajim ab khaba üu ajim a chiraajem.

17 Æu pārau buchkhun Ĕwandam khaphu naab mamu, warag üruuchata i khaphunaa jāgata Cristo gaaimua pāar athee nem ajapham pöm waaujē a khap apim khōsi chirum. Maguata muan maach Pör Jesucristo Ayagta jēu chiraajem, ajapcharan ich Jōoi ügthar chiraajemagma, pārag ich khīirjug deebarmua magum khap amkhīir.

18 Mua jēujem ĩchab Ĕwandamag, ichdēuta warag pāar khīirjug aarthugbapūimjō amkhīir; magbaawai mag ya ich aarcha phē athaawai ich dūicha onee wēnrraju jaau simjā ajapcha khaphunaa, mag ich õorkha thunum khunan chadcha peerduwi naawai maigwejā onee naaju aai num a khaphu amkhīir.

19 Mag num dūi ĩchab khap apim khōsi chirum, jāga mag Ĕwandam thumaam khun khāijā ichta jua theeg sierramta maach chi ükha num khun dūi sīejē.

20 Ich mag jua theegau khabajieb Ĕwandamau deeu Cristo phiriu auwi ügthar ich juachaar garcha thumaam khun Pörkhamkhīir juppitar.

21 Mag ich juachaar gar juppinaa ichjō jua theeg apibaawai, ichta reinaan thunum khāijā ürpainaa nem thumaa mug jēb gaai wa edjā ee khāijā mepeenjōm thunum khāijā ichta ürpai apijim, mug atag pawiajā ich mag sierramkhīir.

22 Magta Ëwandamau nem thunum thumaa sïi ich Iewaa Cristoogta thusïepüijim. Magnaa ichta maach chi ükha num khun Pörkhapinaa

23 maachigta ich Iewaa jürr, mug jëb gaai ichdëu khösimjö nem wauju ayaa apijim. Cristoon ich appai simta durрпиerr sïerraawai äbmuajã jamta i sïejë aju khabam. Mag simta maach chi ükha num khun düin ichta chi Pörkha sim.

2

Ëwandam õor düi ajaug khitaawaita maachin üu peerduajem

1 Warran pãran pãachdëu nem khaigba waaujerr gaaimua pöd Ëwandam aar öbërju khaba naajim, sïi pãach pekau eepaita narr aawai.

2 Pãraun sïi Ëwandam khaugbam khunau nem waaujemta waaujeejim, ar mug eegarpain ichta ürpai sïerrum khöchagpierr, ajapcharan dösät ipierrma, ichdëuta öragjä warag Ëwandamau nem khöchkhabamta waupim khösi aajem ipierr.

3 Maarjä warran thum ich magta naajim, sïi dichdëu nem waum khöchagpierr; nem magju abarmun parhoobam khïirjug dich khïirjug ee bëe numta agpierr waaujeejim, warr thaabaawaiã ich mag pekau eeta thaabatarr khun aawai. Chadcha maach mag wënrarr gaaimua maran sïi parhooba tagam khunjö Ëwandam jua machag äwatju aai naajim.

4 Mam üu Ëwandamau õor thumaam khun dau aug khaug paraanaa ich garmua õor khösi khitaawai,

5 mag maach khaibag gaaimua aubaju ayaa narrta ich jãg ichdëu deeu Cristo phiriu autarrjõ maachjã ich aar auwi ich mag Cristo dãi äba wënarraju khun khapijim. Mag Êwandam õor dãi ajaug khitam gaaimuata maachin üu peerdawi num.

6 Ya mag Cristo dãi äba ich mag wënarraju khunkha naawai chadcha meewi narrta deeu phiriu autarrjõ num dãi ya ügthar ich düicha ohoodõ namjõta num.

7 Mag Êwandamau maachigta nacha Cristo iek ükhapiwi ich dënkha autarran, ïs ewag pawiajã jãga chadcha ichdëu maach khõsi sï a khap apinaa, mag Cristo dënkha num gaaimuata chadcha ichjã maach dãi ajaug khitam khap apieg ajim.

8 Pãran mag Êwandam ajaug khitam gaaimuata üu Cristo iek ükhawi peerdawi num; pari mag num chan sï pãach khïrauta peerdaju êkhatarr gaaimua khaba, ich Êwandamau ich garmuata pãar peerdum aum khõsi arr aawaita üu pãar peerdum aujim.

9 Êwandamau maach peerdum au num chan dichdëu nem wau num gaaimua khabam, magba akhiin magum gaaimuata peerdajim a iekhaju.

10 Mamum warrgarwe Êwandamau khïrju wai sierrjõ ich athee mag nem ajapha wau wënarramkhïrta Cristo gaaimua maach peerdum autarr aawai, maadëun chadcha nem ajaphamta wauju aai num; pari majã dich peerdum aumkhïr khaba, sï Êwandamau mag khõsi siëwaita mag wauju aai num.

Cristo gaaimuata maachin üu Êwandam dãi dau parii wënarrum

11 Keena, judionaan khabam kh_{uun}, kh_{ir} eyaa abat. Warr p_{rau} Cristo khaugju naweran, maar meeunau maachta meh_{eu} th_u n_um awi p_{ar} judionaan khabam kh_{uun}nan s_i saak oomj_ota aajeejim, maachj_o mag dauchach chukhu n_um awi. Pari mag n_um_un maachj_a E_wandam dakh_{ir} p_{ar}j_o th_{ar} akh_{ar}ag s_i maach inaamj_o n_umta maagjeejim. Mam_u i_{sin}, mag_um gaaimuapai E_wandamau maach auba aajem khaph_u naawai, j_{ag} s_i E_wandam d_{ui} ajapha aag awi j_{ag} maach mor dauchach n_um chan b_urj_a maad_{eu} igbata sim.

12 Chadcha warr chan p_{rau} Cristo khaugba naajim. Maar judionaan eeta E_wandamau mag maach peerd_uajem p_uiju jaautarr aawai mag Cristo gaaimuata ich aar maach auju ayaa n_umj_a maraun khaph_u naajim. Pari mag n_um ee p_{rau} chan b_urj_a mag_um khaugba, ni maar j_ooin d_{ui} E_wandamau iek deetarj_a khaugba, p_{ar}an s_i deelum meu aawai mag E_wandamj_a khaugba, ni ichd_{eu} p_{ach} peerd_u auj_uj_a khaugba s_i okhoota w_{en}arrajim.

13 Pari ya i_s chan magba Cristoou maach thumaam kh_{uun} k_oit ich bag arpitarr gaaimua p_{ar}j_a ich d_{en}kha wai s_iewai mag p_{ar} okhoo narrrta ya i_{sin} chad maach thum abata E_wandamau ich d_{en}kha wai s_iejem.

14 Maguata i_{sin} Cristoouta maach kh_oinaa p_he wai s_iejem, chadcha maar meeun p_{ar} meeun d_{ui} kh_iet n_umta i_{sin} ichd_{eu}ta maach thum khod abamj_o abap_uim, s_i maach j_{ar}r serrkau thuur simj_o s_ierrta kh_ut s_iewerb_uimj_o abaawai.

15 Mag Cristoou u_du_{ra}a ich th_opibarmuata mag

Moiseeu ley puatarr gaai nem kh̄ir pogkhe ʘarkhapi simjã warre serbiiba ap̄ijim. Magta warr chan mag chikhamnagjã ooba agdaujõ dich cuenta n̄arrj̄ee arrta, õor ābpaimug paap̄iwi warre chi iunkhap̄ijim. Magbarm aig ĩchab ya tag warramjõ khaba, maach eepaijã khõinaa n̄aisijim.

¹⁶ Mag pakuls gaai ich thõopibarmuata ĩchab mag maach kh̄ir au w̄en̄arramjõ n̄arrjã Cristoou warre ajaug paap̄iwi Ĕwandam d̄ijã khõinaa apinaa õor ābpaimjõ apijim.

¹⁷ Mag Cristo b̄etarran mag maach khõinaa w̄en̄arraju thumaam kh̄unag jawaanta b̄ejim: Ar p̄aar Ĕwandam khaugbagau i warp n̄arr kh̄unag jawaan, maimua maar meeun p̄aar kh̄ai b̄ur i khaph̄pai n̄arr kh̄unagpa jawaanta b̄ejim.

¹⁸ Mag maach thum i iek ũkha n̄am kh̄unau, ich ābam Ĕwandam Akhaarpaita wai naawai, Cristo gaaimuata ũu ĩsin judionaan wa judionaan khaba awiajã Ĕwandam chi Aai d̄i khapeerkha w̄en̄arram.

¹⁹ Mag i d̄i khapeerkha naawai p̄aar chan ya s̄i chikham durr gaai jooba n̄amjõ khaba, ĩsin ya s̄i dich meeun apha ābam dö ee jooba n̄amjõta n̄am. Maguata m̄ug maach Ĕwandam õorkha th̄un̄am kh̄unan thum agdaujõpai n̄am nem thumaam athee, ya i chaainkha n̄am gaaimua āba khodkha th̄unaawai.

²⁰ P̄aran ĩchab s̄i Ĕwandamau ich athee di ěwaag dipá j̄ur wai simjõta n̄am. Ich Jesuucha ich i jaaumkh̄ir j̄ur autarr kh̄un warrgar ĩchab Ĕwandam i jaaujerr kh̄un d̄i chi dipákha n̄am.

Maagwai p̄aar j̄urr chi dipá daígkha naawai makh̄n̄n ūrta chi ēu simua b̄urkha arrum. Maagwai ag eegar chi big p̄omaam chi dihãdkha sim ich Jesucristoou.

²¹ Ajapcharan jãg di ēu n̄m aig pa j̄ukhap̄r̄p̄aigmampierr warag ūgthaag b̄ãau ahaug maajemj̄öta n̄m maachjã. Ōrau warag Cristo iek ūkhamampierr ichd̄euta ichd̄eu khap maach gaaimua mag di ēu arrumj̄ö simjã warag nem p̄öm b̄ãau arrum, ich s̄iejem dikha awaag.

²² Mag p̄aar judionaan khabam kh̄n̄njã Cristo d̄enkha naawai maach thumaam kh̄n̄nta āba Ēwandam Akhaar s̄iejem dikha n̄m.

3

Judionaan khabam kh̄n̄nagta Ēwandamau ich iek jaaupitarr

¹ Keena, mag p̄aar judionaan khabam kh̄n̄n̄pa Ēwandam chaain khaju aai n̄m a jaau chit̄m gaaimuata m̄n̄n m̄g preso chir̄m. Pari mua khaph̄ chir̄m, m̄g m̄ preso chir̄m gaaimua Cristoou j̄urr p̄aar d̄äita ajapha aju.

² Ya p̄arau khaph̄ aju aai n̄m, Ēwandam ōor d̄üi ajaug khit̄m gaaimua p̄arjã dau aug khaugwi m̄r̄gta p̄aar ee ich iek jaaupitarr aawai chadcha ag gaaita chit̄m.

³ Ar warr m̄g ēsap ph̄ãbaad̄ewe p̄arag m̄chd̄eu b̄uchkhun jaau chirarrj̄ö, ich Ēwandamau ich th̄aar eepai khaph̄ s̄ier̄rjã ichd̄euchata m̄r̄g jaautarr aawai mua khaph̄ chir̄m, chadcha p̄aar judionaan khabam kh̄n̄njã irua ich d̄enkha aju aai sim.

⁴ Pãrau ag gaai thürmamua khap aju, chadcha mürꞱjã mag ichdëupai nem khaphu sïerr jaaujim, jãga mag judionaan khabam khun atheepa Cristo püijĩ.

⁵ Warrgar chan mꞱg iek chan ãsimjõ dawaa jaauba aajeejim; maagjerr ãs ewag pawiaata Ëwandamau Cristo i jaaumkhïir ichdëucha maar chi apostolnaan jur autarr khunag ich Akharag jaaupibaawai chadcha jaauwiata üu khaphu nam.

⁶ Mag ich iek khaugpimaphamjõ wai sïerr iekhan mꞱg ajim: Maach meeun khabam khunã jã mꞱg maach peerduajem iek ükha nam gaaimuata maach judionaan dui äba Ëwandamau peerdu auwi, ich Jesucristoou jaautarrjõ ügtharjã öbërpju. Mag äbam iek ükha nam gaaimua maach thumaam khunauta Cristo kõit ichdëu khõsimjõ wau naawai i gaaimua Ëwandamau nem ajapha aju a simjã chadcha ich magta aju pãar duijã.

⁷ Chadcha mꞱch khïraupai chan mꞱg Cristoou maach peerdu aajem jaau nam phidag auju khaba chirajim. Mag chirarrta Ëwandam nem thumaam athee ichta ürpai sïerrumuata mürꞱg ich iek jaaupibaawai üu ag gaai chitum.

⁸ Ajapcharan mun thum mꞱg Ëwandam iek ükha nam gaaimua i dënkha thunum eejã mꞱchta serbiibacha chirum. Mag chirab mamu ich Ëwandamauta pãar maar meeun khabam khun eejã mꞱg maach peerduajem iek jaaupitarr aawai mag Cristo gaaimua maach dui nem ajapha aajem pöoma maadëu chi jaauujã khaugba aajemjã üu jaau chitum.

⁹ Ich Jöoyau warrgarwe nem thum ompaabarwe

nem wauju ichdëu khaphu sïerrjã mærugta jaaujim, jürr thumaam khunnag jaaumkhïir.

¹⁰ Pari mag mærug jaautarran, mag maach thumaam khunta Cristo dënka num gaaimua chi jua thierrnaan thum edjã eem khunnau ügtharm magwe mag Êwandam khïirjug khaug sim khakhapdö amkhïir ajim. Chadcha ichdëu nem wau numpierr nem waau khaauga sïerrum.

¹¹ Pari mag maach thum judionaan khabam khunpa ich dënka phë auju khïirju wai sïerrchan nem ïsim khaba, ni õor khïirjugjõjã khaba, ich Êwandamau warrgurwe mag khïirju wai sïerr aawaita chadcha mag maach Pör Jesucristo püibarm gaaimua maach thum äba ich dënka wai sim.

¹² Maguata ya ïsin mag Cristo iek ükha naawai, i gaaimuata chadcha Êwandam bü ignaa ich jãg chaain amach dënnaan düi aajemjõ irig jëeuwimü jëeujem, mag jëebaawai maach iek ürju khaphu naawai.

¹³ Maguata muan pãragan mag chirum keena: Ich Cristoou pãar judionaan khabam khunnag ich iek jaaumkhïirta mü jür autarr aawai ag iek gaaimua mæg mü dau aphü cárcel deg chirum anum üurwajã oob ökhïirjuu amiet. Magju khãai pãach gaaimua mæg mü dau aug wau chirumün müchdëu pãar khõsinaa Êwandamaujã pãar khõsi aawaita mæg chirum a khïirjunaa warag oneeta abat.

Chi ükha num khunn kõit Pabloou jëeutarr

¹⁴ Mag pãar maar meeun khabam khunpa thumaa maach Aai Êwandamau ich chaainkha wai

sīewaita muan phōbkhanaa irigta ùu ajim aajem,

15 ajapcharan ar ichdēuta thumaam kh_{uun} ùgthar th_{uun}m magwe ompaatarr aawai irigta Aai ichēju aai n_{uun}ugma.

16 Mua pāar kōit irigta jēeu chiraajem, ichdēuta pāar dāi ajapha aag ichdēu am aig aju aai sīewai. Maguata muan irig ich Akhaar gaaimuata pāar akhaardamjā warag ich gaaita ub_u apim khōsinaa,

17 pāachdēu ùkha n_{uun} gaaimua Cristojā pāar thāar eeta sīepim khōsi chiraajem; irigta pāar kōit jēeu chiraajem, mag Cristo gaaita ub_u naawai ag-daujō dich khapeen kha khōsi ajujā khaph_{uun}naa,

18 tagam kh_{uun} agjō ùkha durrum kh_{uun} dēnjō jāga ich Cristoou khūchpaim athee khaba ich mag daupii wai n_{uun}raagta thumaam kh_{uun} khōchkhaajē a khap amkhīir; maimua jāga ōor dau aph_{uun} maadēu nem igba khitawiajā thethem kh_{uun}njō khōsi aajē a khap amkhīir.

19 Mua khaph_{uun} chir_{uun}m, chadcha mag irua maach khōsi sim chan pōd maadēu thumaa khaugbam. Pari ichiita pāar kōit jēeu chir_{uun}m, Cristoou maach thumaam kh_{uun} khōsi aajem a khap amkhīir, maagwai īchab Ēwandamta pāach gaai phēs wai naawai ichdēu pāach dāi ajapha am ig simjō aju ayaa amkhīir.

20 Ēwandam jua theeg sīerraawai chadcha mag maach ee sim aiguin ich ag jua theegaupai dichdēu jēeu n_{uun} atcha wa dichdēu khīirju n_{uun} atcha khāijā ajapha aajem maach dāi.

21 Magua maach chi ùkha n_{uun} kh_{uun} thumaam kh_{uun}nau Jesucristo gaaimua āba iita m_{uun}g atag pawiajā ich mag thō iekha wēn_{uun}raju aai n_{uun}m.

4

Ēwandam Akhaar gaaimua Cristo morkha n̄m

¹ Keena, maach Pör Jesús i jaau chit̄m gaaimua preso chir̄muata muan p̄rag jaau jöchkh̄er̄m: chadcha Ēwandamau th̄rkha auwi i d̄enkha n̄m kh̄n̄jōta agpierraa n̄rrj̄ee abat a chir̄m.

² P̄aachta warm kh̄n̄n kh̄āij̄ā chi serbi-ibacharamjōnaa kh̄ir th̄ūu abat; chikhamnau dich d̄i parhooba aawaij̄ā s̄i kh̄ū āwatp̄ūinaa j̄urr agdaujō dich khapeen kha khōsita abat.

³ Ēwandam Akharagta id̄eu p̄ach kh̄irjug āba apiju ēkhabat, ich mag khōinaa w̄en̄rr̄mua.

⁴ Maach chi Cristo d̄enkha n̄m kh̄n̄nan kha-pan th̄naab mam̄, ōor ābpaimkha n̄m Cristo gaaimua, maagwai chi Ēwandam Akhaarj̄ā ābpaita sim maach ee s̄ijem. Ich agjōta īchab Ēwandam aar i d̄i āba naaimaju kh̄irjugj̄ā ābpaita wai n̄m, mag ich aar awaagta warrj̄ā maach th̄rkha autarr aawai.

⁵ Maach Pör Jesucristoj̄ā ābpaita wai n̄m; thumaam kh̄n̄nau agdaujō āba maach peerd̄ajem iekpaita th̄raucha ūkhawi ābam th̄r gaaipai pör choowi n̄m.

⁶ Ēwandaman ābpai ichta thumaam kh̄n̄n Aaikha sim, ichta thumaam kh̄n̄n kh̄āij̄ā ūrpai s̄ier̄m; iin maach thum chi ūkha n̄m kh̄n̄n gaaimuata nem waunaa ichpaita maach thumaam kh̄n̄n th̄ar ee s̄ijem.

⁷ Mag maach thum ōor ābamjō naab mam̄, Cristoou ich garmuata ūu maachig ich jua theeg ichd̄eu deem aig maachpierr deematarr maad̄eu

wai n̄n̄uid̄am, ichd̄eu deemarrpierr, agua dich khapeen d̄üij̄a ichd̄eu kh̄ōsimj̄ō aag.

⁸ Mag maachpierr Cristoou ich juapá deemaju igwiata David khararrau ichd̄eu Ēwandam iek ph̄a p̄arr gaai jaauwai,

“Ich iiu phiid̄ubarmua mepeer p̄ōdp̄üiwi, i jua ee narr kh̄n̄nj̄ā öbeer auwia, ügthar s̄eimaju” ajim;

“mammuata m̄uig eegar ich õorkha n̄m kh̄n̄nag ich jua theeg amachpierr jigmajū” a ph̄ājim.
(*Sal. 68:18*)

⁹ ¿Pari j̄āgwi mag í ügthar maju aj̄ima? Magtarran warrj̄ā ügtharmuata b̄ewi maach m̄uig eegarm kh̄n̄n kh̄āij̄ā aph̄n̄cha meewi deeu ügthar ich s̄ierr aar maju arr aawai ajim.

¹⁰ Mag ichta ügtharmuacha b̄ewi j̄ēb eegar-cha udthurwi deeu ich s̄ierr aar matarran, mam s̄ieb mam̄, m̄uig eegar durrpierr simta maach w̄en̄r̄r̄mp̄ierr maach d̄üij̄ā sim. Magua ābmuaj̄ā p̄ōd i jamta s̄i aju khaba sim.

¹¹ Mag ich Cristoouta ich jua theeg chi ükha n̄m kh̄n̄nag jigmajū atarr aawai chadcha ichd̄euta āaur kh̄n̄n ich iek durrpierr aaid̄u jaaujem kh̄n̄n khapijim, apostolnaan; āaur kh̄n̄n s̄i ichd̄eu iek jaaumamta j̄ūrr warm kh̄n̄nag chi jaaujem kh̄n̄n khapijim, profetanaan; āaur kh̄n̄n s̄i maach peerd̄hajem iek jaaumamua iita õrag amach th̄āar ee aupi jaaujem kh̄n̄n khapijim, evangelistanaan; maagwai āaur kh̄n̄n ya ich iek ükha durrum kh̄n̄n pekau ee burrm ugua am th̄hajem kh̄n̄n pastornaan khapinaa, ich iek jaau khaug amkh̄ir maestronaan khapijim.

12 Magta ya ich õorkha thunum khunnag mag amau nem waujujã ich Cristoouta nem khaauga apijim, mag dichdëu khaphugpierr dich khapeen dãi nem wau numua chi ùkha durrum khun thum agdaujõ i iek gaaita warag thierrpagkhamamkhïr.

13 Mag ya maach i dënka naawai iruan maachigjã ich khïrjugta paarpapim khõsi sim, ich athee nem wauwajã ichdëu khõsi simjõta waau khapha amkhïr. Pari mag i khïrjug paarpaagan, ichiita maach thumaam khunnta agdaujõ õ ãba maachdëu ùkha num gaaita wajaucha ubnaa ich Ëwandam Iewaa Cristota maach khapeerkha auju aai num. Magbaawain chadau chadcha maach i dãi uba num aju aai num.

14 Mag khai magan ya tag chaain amachig sïi bür mag abaawai parhoobam khun iek ùkhakharrsõ amach khũgurpiejem khunjõ khaba, chikham khũgur aum khõchgau khïrjug khaug sïerrjëm khun bëewi Ëwandam iek chaar khabam maachig jaauchëwajã ùdur maadëu dich khũgurpibaju.

15 Mag ùduraa parhoobam khunnag dich khũgurpiju khãai, warag Cristo iek chaar maachdëu khaugtarr gaaita uba naaju aai num. Pari magaag atheyan dich khapeen kha khõsinaa am dãi chadam iekpaita ig wënum dãi Cristota maach Põr aawai i khïrjugta aumamua warag dau thethe paaukhamaju aai num.

16 Mag Cristota maach Põr aawai jür maach i iek ùkha num khunnta i mor eegamjõ num. Pãrau khapha num, maach mor gaai nem khïr

ãbpai khaba thunum. Ich agjöta naabahab ïchab maach chi ïkha num khun eejã. Maach thum ãba khaba thunaabahab Cristo athee nem wawaag. Mama mag thunumua maach thumaam khunta i morkha naawai jürr iwiir ãbmua nem wauwaijã agdaujõ khõsi juag oo numjõ aajem. Mag Cristoouta maach thum ich morkha wai siewai ichdëuta maach khïrjugã bãaupimaajem; mag num dui ïchab thum agdaujõ dich khapeen kha khõsinaa thierrpagkhamaajem.

Idëu Ëwandamagta pãach khïrjug ajaug paapibat

¹⁷ Magau keena, maach thum ãba maach Pör Cristo iekta ïkha naawai, mua pãrag jaaum ig chirumun magau: Ya oob tag sïi Ëwandam khaugbam khunjö amiet. Pãrau khaphu num jãgum khun khïrjug chan sïi maadëujã nem igba,

¹⁸ sïi warag pöd ajapham nem khïrjubam gaaimua khïrjugpata jõpa sïsidumjõ sïsidum. Amach thãar theeg sïsidum gaaimua Ëwandam warp naawai amau bürjã khaugba num, jãga Ëwandamau maach onee ich dënkha wai sïejë.

¹⁹ Mag Ëwandam iek ïkhaag amach thãar theeg num gaaimuata warag nem khaigbam amachdëu wau khaug thunum gaaipaita thunuisiphum. Mag amau nem wau num oowain thum maach inamjõ sïsidumta wauba pakhimjã aba, warag magumta waju khïrju num dui ãba khapes ajuuta khïrju sïsidum.

²⁰ Mama warr pãrau Cristo khaaugwaijã magum nemta khaugaag khaba arr aawai pãar chan amjõ magta wënraraju khaba num.

21 I iek jaau n̄m ũurwaijã i igwia chadcharam nem jaau n̄mta khaugtarr aawai,

22 jãg warrgar pãach nem parhoob wau w̄n̄rraajerr kh̄irjug warre isegbap̄it. Jãḡm kh̄irjugan nem khaigbam wau n̄m gaaimua s̄i khajũa memerkh̄mjõta sim; mag s̄iewai s̄i ãba nem khaigbam waum khõchgauta dikha th̄naabahab.

23 Pãach kh̄irjug id̄eu Ëwandamagta ajaug paapibat, nem ajaphamta waum khõsi aag.

24 Magnaa mag nem ajapha wauju kh̄irjugta chihõjõ ogd̄uba abat. Maḡm kh̄irjugta Ëwandamau aupi sim, ich d̄enjõ kh̄irjumkh̄ir. Magua mag kh̄irjugta aunaa ich Ëwandamau khõsimjõ i atheepai w̄n̄rr̄muata pãach ũuu oopibat, chadcha chadam iekta ũkha n̄m kh̄̄njõ.

25 Mag naawai oob tag dich khapeenag s̄ukhamiet; s̄ukhaju kh̄ai iekhaawaijã chadchata dich khapeenag nem jaaujeet. Maachin m̄g n̄m aiguin thum agdaujõ Cristo morkha th̄naawai maachin thum khod ãbam kh̄̄nkha th̄n̄m.

26 Mag naawai kh̄ir machgau oob pekau wau-miet, mag meeukhaawaijã oob kh̄ir th̄a ch̄uu amiet,

27 eeu maḡm gaaimua dõsãtta warag pãach d̄i ũrpadukham.

28 Warr nem j̄gkhaajerr khai, ich mag n̄rraju kh̄ai, p̄ch juadamaucha phidkhabã; maagwai p̄chd̄ejã p̄ch nemdam ig sim paraanaa agjõ ig durrumta pari chukhum kh̄̄nagjã deju ayaa aju.

29 Oob b̄̄rjã iparii wa ihachkha kh̄ijã

iekhamiet; magju khāai iek ajaphampaita iekhabat. Ōrau pāach iyūn n̄m ūurwai amach jūgaagaa aawai warag amachdēu ūkha n̄m iek gaaita ubanaa onee apiju ayaam iekta iekhabat.

³⁰ Nem khaigba wau n̄m gaaimua chan oob Ēwandam Akhaar ökhīrjuu apimiet. Ich jāg Akhaarta Ēwandamau pārag deebajieb, ich iek ūkhaawai chadcha ich dēnkha n̄m a khap amkhīr. Mag i Akhaar wai naawaita m̄g atag m̄ig eegar wēn̄rrawi ich aarcha phē atham edjā chadcha ich dēnkham iek ich dēnkha wai sīsiju.

³¹ Keena, warre pāach gaaimua barbaḡit jāg pāach khapeenau pāach dūi būr abarm gaaimuajā khīr okhoo chūu aadēp aajem khīrjug, pāach khīr machag, pāach khōrg, iek khēgkha iekha n̄m, chikham khīr iekha n̄m maimua mag tag nem khaigbam nem thumaa pāach gaai th̄n̄m warre isegbaḡit.

³² Ō ajaphata aajeethū pāach khapeen dūi, agdaujō chikham dau aug khaug paraa. Iwiir ābam garmua khāijā khaigba aawai, magum iekjā tag igba, sīi khīr okhoopūḡi abat, ich jāg Ēwandamaujā Cristo gaaimua maach khaibag chugpaapūiwia ich mag khīr okhoopūitarrjō.

5

Ēwandam chaainkha n̄m kh̄n̄n jāga wēn̄rraju aai n̄

¹ Ich Ēwandamau ich garmuajā chadcha pāar ich chaain jāsene aajeewai ichdēu pāach dūi aajemjōta abat pāachdēujā pāach khapeen dūi.

² Ich jãg Cristoou maach khõsi simjõ pãraujã agdaujõ pãach khapeen kha khõsi abat. Cristoou mag maach khõsi arr aawai maach daupigau pakuls gaai ɯdɯraa ich meerphẽ thõopijim. Ëwandamau irua magbarm oowai ɯu s̃ejim.

³ Ya pãar Ëwandam õorkha nɯm khɯn chan pöd pãach õor khabam d̃iijã khapes aju khaba, tagam nem maach inaamjã wauba, chikham nemjã thumaa dich dën apim khõsi aju khaba, ni s̃i magɯm iek ig iỹɯ ajujã khaba nɯm.

⁴ S̃i iparii dau lõkõo wa ihachag khãijã iekhaju khãai, Ëwandamau pãach d̃i ɯu aajem paar i ajaugta phëbat. Ya pãar Ëwandam dën aawai, iek ãkhãraam chan pãrau tag iekhaju khaba nɯm.

⁵ Jãgwi mua mag chirú? Mua mag chirɯmɯn mɯgau: Amach õor khabam d̃i khapes aajem khɯn, Ëwandamau oowai maach inaam nem waaajem khɯn, wa chikham dënjõ paarpaag awi amachdëu nem ig nem êkhabaadëmjã pua chɯu aajem khɯnjã pöd Cristo Ëwandam d̃i ãba chi Põrkha sim aar õbërbaju aawaita mag chirɯm. Ar jãg nɯm khɯnaun jãg amachdëu nem wau nɯmɯgta urcha ee thɯnɯm, Ëwandamagta ee aju khãai. Amach mag nɯm gaaimuata pöd i aar õbërbam.

⁶ Jãgɯm khɯn eem ãbmua khãijã pãach aig bëewi pãachig mɯ ichaaur j̃urr magɯm gaaimuapai chan Ëwandamau pãar chig abam a jaaumɯn, magan ichta sëukha nɯrrɯm. Magɯm khɯnag ɯdɯr pãach khũgurpimiet. Amau khaugba nɯm, ante magɯm waum khõchgau ich ipierraa khaba nɯm khɯn gaaita Ëwandam kh̃ir machag meeuju khabahab.

⁷ Magua jãg i ipierraa khaba i ichaur nem wau num khun dui chan oob bü dui amiet.

⁸ Warr pãrau Ëwandam iek khaugba aawain chadcha pãachjã sïi khichag eemjõta wënrãajeejim. Pari isin ya pãar maach Pör Cristo düita khapeerkhanaa i iekjã khaphu naawai ararag ee numjõta num. Mag naawai chadcha i iek khaphum khunjõta agpierraa nurrjëe abathü.

⁹ Mag Cristo gaaimua chadcha ararag eeta wënrãmãn, õor ajaugta aadejem; mag num dui ichab nem agcha waunaa iekhaawaijã chadam iekta iekhaajem.

¹⁰ Magua pãach nem waaupierr maach Pör Ëwandamau oowai i dawagaa aju ayaam nemta wauju êkhabat.

¹¹ Cristo khaugbagau sïi khichag eemjõ num khunau maadëu nem igbam nem wau num ee oob dui dubmiet; magju khãai warag pãach ipaar-mua amau nem wau num chadcha khaigba sim a khap amkhïr warag meerba jaaubapüt.

¹² Jãgum khunau meraa nem wau num chan maadëu igjã mapha sim, magum iigwai warag maach chigaata siewai.

¹³ Pari magba khaigbam khun daar maadëu nem wau numjã thum ajaphata waauwain õrau amachdëu nem khaigba wau numjã õtdau büugta oo numjõ aajem. Mag sim aig chi pekaujã pöd meraa aju khaba sim, õtdaua thum arar wai sïejemjõ maach wajapha num gaaimua amachdëu nem khaigba wau numjã merag chukhu siewai. Mag maadëu ajapha nem wau num gaaimua õrau amach khaigba num khaug auwi Ëwandamau

khōsimjō mag ararag ee wēnarram khōchgau i jarmun, chadcha i dēnkha nūisiejem.

14 Pari magaagan am iekhōoin,

“Jāg p̄ach pekau eepai khāi simjō sim daukhan-pabá;

chi khēchamjō thūnam khūn eemua phiidubaad;
Cristoouta ich dēnkha aunaa ich dāita p̄ wai nūrraju.”

15 Maguata muan pāragan agpierraata wēnarrathū a chiram, Ēwandamau khōsimjō. Sīi jāg nem jaau nūmjā ūrba wēnarraju khāi khīirjugdam paraata aajeethū.

16 Ūta nem ajapha wauju aai nūm aiguin agpierr ich Ēwandamau khōsi simjōta abat. Pārau oo nūm, īs ewag paawai chan ya warag chi ajaugjā chukhuta paaukhamam.

17 Oob jāg sīi Ēwandam khaugbam khūnjō parhoob dau theeg chukhu nem waumiet. Magju khāi khani maach Pōr Cristoou waupim khōsi sī a khīirjunaa magumta wauju ēkhabat.

18 Oob nag dōwia okhoppa amiet. Jāgumuan warag maachig nem parhoobata waupinaa maach okhoopijuuta ēkhaajem. Magju khāi Ēwandam Akhaarta pāach gaai phēsnaa idēu irigta pāachdēu nem waujujā jaaupibat.

19 Pāach iyūu aawaijā maach Pōr Cristo iekta onee ig iyūu abat; meukhaar au nūmuajā thārauchata i thumeukharbat.

20 Maach Pōr Jesucristo gaaimuata Ēwandam chi Ayau ūu maach iek ūurjeewai nem thumaam paar irigta ūu ajim abat.

*Jāga aju aai n̄ dich khāai ūrpaīm kh̄n̄n d̄i
maimua dich khāai eegpaīm kh̄n̄n d̄iijā agjō*

21 Cristo iek ūkha naawai irua jaau simjō am khōchgau jūr dich khapeen agjō ūkha n̄m kh̄n̄naujā dichig nem mag aawai, ud̄raa amagta dich khāai ūrpaī apibat.

22 Ūin chi jaainpan, ich jāg maach Pör Ēwandamagta ud̄raa pāach khāai ūrpaī api n̄mjō, pāach jaainau pāachig nem mag aawaijā oob pāachta am khāai ūrpaī aju ēkhamiet.

23 Pārau khaph̄ n̄m, m̄g maach chi ūkha n̄m kh̄n̄nta Cristo morkha n̄m. Maagwai ichta maach Pör anaa maach peerd̄n̄ aaujem̄u. Magua ūrbat: ich jāg Cristota chi ūkha durrum kh̄n̄n Pörkha simjō, pāar jaainta pāar pörōu.

24 Magua, ich jāg m̄g maach chi ūkha n̄m kh̄n̄n thum Cristoou nem mag aawai i ipierraa aag i jua eegpaī n̄mjō, ūin chi jaainpanjā agjō nem thumaam athee pāach jaain ipierraa aag am jua eegpaī ūrjēe abat.

25 Ich jāg Cristooujā ich iek ūkha phōbaadeewai ich iglesiakha n̄isiju kh̄n̄n daupigau am kōit ichta thōopitarrjō, pāach chi emkhooinaujā pāach ūin daupii abat.

26 Cristoou mag ich thōopitarran, maach peerd̄n̄ajem iek ūr n̄m d̄i dich pör choopibarmua ajaug paap̄iwi ich atheepaita nem wau wēn̄ramkh̄ir ajim.

27 Mag ajaug paap̄iwi ich atheepai nem waupi sim̄n, deeu ich bēem edjā ūi kh̄ir ajaug khaibagjā chukhu thumaam kh̄n̄nau khōoigjemjō khit̄m̄ta ich athee awaagau; ajapcharan būrjā

pekau chukhu, ni deeam khaigbam nem jaaju ayaamjã chukhu, sï ajappa khítamta ich aarcha awaagma.

28 Ich jãg Cristoou maach khõsi aajemjõ ich agjõta aju aai nam chi jaainaujã pãach uin dui. Jãg chi jayaujã ich mor búrjã chig apimapha aajemjõ, ich uijã chig aba daupiita wai nerraju aai sim. Chadcha ich uijã daupii wai sim wounaun ichchata chig apimaphamjõ sim, ich uijã ich morkha simta mag daupii wai siewai.

29 ¿Jãgwi mua mag chirú? Maach mug nam aig abmuajã wir aig dichdëupai dich oomapha khaba aajeewaima. Ante warag maadëu thachjã ed ëepierr khõnaa dich chig apimapha aajem, ich jãg Cristooujã ich mor aawai ich iglesia thaa wai sïejemjõ.

30 ¿Maagwai maachjã mag irua thaa wai sïjem eem khun khabá, maachjã i morkha naawai? Chadcha i morma.

31 Pari mag chi jaai ich uui dui abam morkha nam a namn, Ewandam iek phã sim gaai jaauwaijã, “Maguata emkhoirau ich dënnan dui sïejerrjã am phëpawwi ich uui duita ogduba sïiju” a sim, “warr sïi amach ap nerrjëe aajerrta ya magbaadëm aigmua sïi abam morkha õor abpaimjõ wëerraag.” (Gn. 2:24)

32 Mua khaphu chirum, mug iek khap aag chadcha maach athee phithur sim. Pari mua mag chi uijã ich jaai dui abam morkha nam a chirumn, maach chi iglesiakha nam khunta Cristo morkha nam igwiata mag chirum.

33 Pari mag cha mchdëu jaau chirum pãachdëu thum ajap khaugba awiajã, ichiita ich jãg

pãachdëupaijã bûurjã pãach chig apimapha aajemjõ, thumaam khunnau agdaujõ pãach ùin daupii abat. Maagwai chi ùinaujã pãach jaain ipierraa numua am òkhõnaa agjõ am daupii abat.

6

¹ Chaaina, pãach dënnaanau iekhaawai am ipier-
raa abat; maach Pör Cristooujã magta apim khõsi
sim pârag. Pãrau magta am ipierraa numun magan
chadcha pãar agchata wënnrram.

²⁻³ Êwandam iek phã sim gaai jaauwaijã,
“Oneenaa üu dürrcha año khapanaa wënnrraag,
pãach aai jãsenenaa pãach ädjã jãsene abat” a sim.
Tagam nem agjõ ichdëu waupi jaau sim ee maata
ürcha chi ajapcharamu chaaina.

⁴ Mamù keena, pãach chi dënnaanaujã pãach
chaain meeukhamkhïirjõ oob am düi athuucha
amiet; magju khãai warag am wajapha wawí
bãaumam düi maach Pör Cristoou khõsimjõ
wënnrramkhïirta amag khap apibat, ich magta
jõoinpagkhamamkhïir.

⁵ Pãar sïi mæg jëb gaai chikhamnaan chogkha
wënnrram khunnjã, pãach pörnaanau pãachig nem
mag aawai ich Cristoouchata pãachig jaaubarmjõ
am ipierraa waum khõsita waubat, maimuajã
ajapha.

⁶ Mag am ipierraa nem waauwaijã, sïi pãach
aig oopaar aawaipai khaba, am meer awiajã ich
agjõ. Mamù mag num chan sïi pãach ajapha nem
wau num oomkhïirpai khaba, Cristo chognaankha
naawaita ichdëu khõsi simjõ mag ajapha nem
waubat.

7 Sīi m̄ig eegar dich agdaujōpai th̄n̄m kh̄n̄n atheeta nem wau n̄mjō khaba, maach Pōr Cristo athee wau n̄mjō nem waum khōsita nem waau-jeethū.

8 Ya p̄rau khaph̄n̄ n̄m, m̄ig eegar aawai sīi chikham chog wa chikham chog khaba arr awiajā, m̄g atag paawai dichdēu nem ajapha waaujer-rierr maach Pōr Cristooujā maach dūi ich agjō aju.

9 Maimua p̄ach chi pōrkha n̄m kh̄n̄naujā agjō p̄ach chognaan dūi aairaa abat, oob am dakhākhājūā aba. Khīir eyaa abat, p̄aran īchab p̄ach chognaan dūi āba thum maach Pōr Ēwandam ūgthar chiraaajem jua eegpai n̄m. Jāg Jōoi dau naan maachin thum agdaujōpai th̄n̄m.

Khan jāg n̄muata mepeer dajēk aju aai n̄

10 Ermanonaan, ya ābmiecha paawai muan p̄ragan, maach Pōr Ēwandamau ich juapa theeg deetarr p̄ach gaai sim̄gta idēu p̄ach ub̄ paapibat a chir̄m.

11 Cristo iek ūkha n̄m gaaimua Ēwandamau p̄ach dūi nem ajapha waumatarrta khīir eyaanaa aata pōr ee wai n̄isit, ich jāg soldaun juurhi ee wērb̄an maawai ich th̄ag ich jiernemta jūap̄aijemjō, mag pōr ee wai n̄muata ub̄ naawai meperagta ūd̄ur dich khūgurpiba aag.

12 ¿Khan jāgwi mua mag chir̄? M̄g n̄m aig sīi dichjōm kh̄n̄n dūita wērb̄aba naawaima. Maachin sīi mepeen chi khaigbam edjā eem magwe th̄n̄m dūita wērb̄ n̄m. Makh̄n̄nauta m̄g durr ich khaibagau khīsumjō simjā khaph̄naa, iek theegnaa amachta ūr̄pai th̄n̄m.

13 Maguata muan p̄aba p̄aragan, Ēwandamau ich jua theeg jierrnemjō deetarrra khajūajō jūabap̄it a chir̄am, meperau khaibag ee dich mapiju ēkhacheewaijā üu peerdūm̄ peerdup̄p̄üijii awi üu p̄ach garmuata p̄dp̄üiwi ich mag ub̄ n̄isieg.

14 Muan maguata deeu ũwaai p̄aragan, ich jāg soldaaunau w̄erb̄an maawai amach khajūapai khu ee wayēunaa ajapha āi khōorjū d̄n̄isiejemjō, chadcha iekha n̄muata s̄i ajap kh̄ir khaug n̄mjō abat a chir̄am. Soldaaunau amach th̄ag amach th̄urr gar jierrnem jūap̄aijemjō, nem agchata waubat a chir̄am, meperag p̄ach chig am ugua.

15 Soldaaun w̄erb̄an w̄etaagpamjō, ajaphata kh̄ir khaug n̄isit, maach peerdū auwi maach khōinaa apiejem iek jawaan w̄etaag.

16 Mam̄ mag n̄m d̄i ich jāg soldaaunau ich th̄ag ich escudota ich na ũa ahau aajemjō, p̄araujā meperau p̄ach khaibag ee burrp̄iju ēkha n̄mpierr warag Cristo iekta th̄araucha ũkhanaat, maagwai par meperau chookhierrau p̄ach phiphiskham ōtdau kh̄ir phug b̄e th̄n̄mjō th̄naawiajā, mag p̄achd̄eu ũkha durrumuata ũd̄ur p̄ach gaai papiba aag.

17 Ich jāg soldaaunau ich p̄or th̄ag casco jūajemjō, p̄araujā Cristoou üu p̄ach peerdū autarr khaph̄naa ag kh̄irjugta jūa n̄mjō wai n̄isit, meperag p̄ach kh̄igurpiba aag. Magnaa ich Ēwandam iek ich Ēwandam Akharau p̄achig khaugpitarrta j̄urr p̄ach espaarkha atthat, aguata p̄ach garmua j̄urr i dajēk aag.

18 Pari thum cha m̄chd̄eu jaau chir̄amjō dich garmuata p̄dp̄aigan, j̄eub khaba Ēwandamagta

jëeunaat. Ich magta irig jëeu wënurrumua idëu ich Ëwandam Akharagta pãachig jaaupibat, jãga Ëwandamag jëeuju aai nũ. Khĩir khaphũ abat, eeu büur abarm gaaimua khãijã Ëwandamag jëeumapha adukham. Magju khãai puaba irigta chaigpama-mua jëeunaa ĩchab tagam khũũn thum durрпиerr Cristo iek ũkha nũm khũũn kõitjã jëeunaat.

¹⁹ Mũ kõitjã ĩchab jëeubat, Cristoou maach peerdũ aaujem iek õrag jaauwaijã khĩirjug khaphũ ichdëu iekhapim khõsimta mũrũg jaaumamkhĩir, maag-wai jãga mag warr õrau amach peerdũju aai nũmjã khaugba narrrta ya ĩsin Cristoou õor peerdũ aaujem a jaauwaijã õgkhaba iekhaag.

²⁰ Cristoou ich jũrr mũ chogpũiwi mũg maach peerdũ aaujem iek jaau chirũm atheeta mũũn mũg amau mũ preso wai nũm. Magtarr aawai mũig cárcel deg chirũmuajã warag ichta õrag khap amkhĩir õgkhaba jawaagjã mũ kõit jëeunaat keena.

Åbmiecharam salud

²¹ Maach khodam maadëu daupiinaa mũg maach Põr Cristo iek jaau nũm phidag gaai ogdũba maach juag oo khĩtaajemuata mũ mũg cárcel deg chirũmjã pãrag jaauwimaju, ajapcharan ich Tiquicoouma. Irua jaauju ĩchab pãrag mũig mũ khani jãg chirũ.

²² Mag pãrag nem ĩgkhaimamkhĩirta mua i pãar aar pũi chirũm, maach mũig jãga nũ a jaaubaimam ũrbaawai pãar khĩir onee apieg.

²³ Muan maach Ëwandam chi Ayau maach Põr Jesucristo dũimua pãar chi ermanonaan thum khõinaata wai naapim khõsi chirũm. Mag nũm

düi ãchab thãraucha ükha naawai pãach eejã thum
agdaujö chikham kha khõsi apim khõsita chirum.

²⁴ Mamu mag pãar appai khaba, ar maach Pör
Jesucristota ogduba thãraucha khõsi aajem khumun
thumta Êwandamag üu wai sãepim khõsi chirum.

Magdampai ajim pãrag jaaum ig chirarr. Ayoo
keena,

Pablo

Ēwandam Iek New Testament in Woun Meu

copyright © 2011 Wycliffe Bible Translators, Inc.

Language: Woun Meu

Dialect: alternate spelling

Translation by: Wycliffe Bible Translators, Inc.

Woun Meu (alternate orthography)

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Woun Meu

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses,

please contact the respective copyright owners.

2014-08-06

PDF generated using Haiola and XeLaTeX on 18 Apr 2025 from source files
dated 29 Jan 2022

974f85ca-2196-54fa-aa19-a0078d3a03e9